

Die 26. Ianuarii

SS. PP. NN. Roberti, Alberici et Stephani Abbatum et Fundatorum O. N.

Sollemnitas

Collecta

**Omnipotens sempiterne Deus,
omnia pro Christi Filio tuo relinquentium
merces magna nimis,
da nobis exemplo et intercessione
sanctorum Patrum nostrorum
Roberti, Alberici et Stephani abbatum,
ad vitam aeternam toto mentis studio festinare.
Per Dominum.**

alia Collecta

**Deus, qui in sanctorum operibus
religionis nobis testimonium reliquisti,
da, quaesumus,
ut, eorum eruditi spiritalibus institutis,
eandem fidem per dilectionem exercere
in bono opere studeamus.
Per Dominum.**

Lectio I: Sir 44, 1.10-15.

Ps. resp.: Ps. 149

Lectio II: Hebr 11, 1-2.8-16.

Alleluia: Mt 11, 25.

Evangelium: Mc 10, 24b-30.

Super oblata

**Preces nostras, Domine, quaesumus propitiatus admitte,
et, ut digne tuis famulemur altaribus,
Sanctorum tuorum nos intercessione custodi.
Per Christum.**

Praefatio

Vere dignum et iustum est, aequum et salutare,

nos tibi semper et ubique gratias agere:

Domine, sancte Pater, omnipotens aeterne Deus:

Per Christum Dominum nostrum.

Quoniam sanctos abbates

Robertum, Albericum et Stephanum

una caritate ferventes,

ad imitationem Christi pauperis vocasti,

et eos in schola dominici servitii

multorum patres efficisti et magistros.

Et nos, dum eorum vestigia persequimur,

caelesti Ierusalem et peregrinanti Ecclesiae sociati,

Te laudamus in gaudio confitentes.

Post communionem

Omnipotens sempiterne Deus,

Pater totius consolationis et pacis,

praesta familiae tuae in Calebritate Sanctorum

ad laudem tui nominis congregatae,

et, per Unigeniti tui sumpta mysteria,

pignus accipiat redemptionis aeternae.

Per Christum.